

GALACIA 1:1-10

INTRODUCTION...

- **ANG KABUG-USAN NGA LAYGAY SANG DIYOS**
 - Luyag namon nga mag tudlo sang kabug-usan sang Biblia halin Genesis asta Pahayag
 - **Binuhatan 20:27** - "Kay wala gid ako sing may gintago sa inyo parte sa bug-os nga katuyuan kag plano sang Diyos."
 - Natapos namon ang tatlo ka sinulatan ni Pablo - Roma/1 Crinto / 2 Corinto
 - Kay natapos na ang ika 2 nga Corinto-makadto naman kita sa libro sang Galacia.
 - Amo ini ang una sa anum ka sinulatan sa naga kalain - lain nga simbahan nga kun sa diin si Pablo ang nag sugod.
 - Galacia/Efeso/Filipos/Colosas/1 Tesalonica/2 Tesalonica.
 - Ini nga mga dalagko nga libro nga may 13-16 ka chapters/ ang iban may 4-6 ka chapters.

ANG LIBRO SANG GALACIA (5 KA BUTANG)...

- **1ST - ANG NAGSULAT SANG GALACIA...**
 - Pablo- siya gihapon nga Pablo nga gin tun-an naton sa libro sang Binuhatan 13-28...
 - Si Pablo nga nag sulat sang Libro sang ika 2 nga Corinto [14 tanan ka mga Sinulatan sa Bag-o nga Testamento.]
 - Gina buksan niya gid sa pag panamyaw-"Ako si Pablo nga Apostol." Ang
duha ka kapitolo ang kasaysayan sang iya kabuhi. Katumbas sa mga libro sang Binuhatan.....
- **2ND - GINSULAT SA SIMBAHAN SANG MGA TAGA GALACIA...**
 - Indi Syudad ang Galacia - isa siya ka geographical region.
 - Ini isa ka probinsya sang Roma sa nabagatnan nga ginatawag subong nga Turkey..
 - Ini nga libro indi lang nasulat sa isa ka lugar ukon partikular nga simbahan o siyudad.
 - Gina patuhoy sa kabilugan o grupo sang simbahan sa lugar sang Galacia.
 - Daw pareho nga ginasulat sa simbahan sang mga taga Negros Occidental. [*madamu nga kasimbahanan.*]
 - Si Pablo nag Patukod sang madamo nga kasimbahanan sa lugar sang Galacia.
 - Ang una nga Panglakaton ni Pablo. -Binuhatan 13 & 14- sa Reheyon sang Galacia.
 - Amo ini nga kasimbahanan ang gin patukod sang mga Apostoles...
- **3RD - SANG SAN-O GIN SULAT ANG LIBRO SANG GALACIA...**
 - Ginabana-bana nga ginsulat ang libro ni Pablo sa una niya nga pagpangalagdan- 48 A.D.
 - Basi ayhan amo ini ang una nga Libro nga ginsulat sa Bag-o nga Katipan...
 - Ukon gin sulat man sa tion sang pag-panudlo sa Jerusalem..
 - Ang pagtudlo gin pahayag nga ang kaluwasan indi paagi sa mangin Judeo ka ukon mag tuman sang kasuguan agud maluwas...
- **4TH - DIIN GIN SULAT ANG LIBRO ...**
 - Wala mabala-an kon diin gid gin sulat, ayhan sa Antioch [*kay Pablo nga ginasimbahan.*] basi sa Corinto man.

- o Wala sang kasugtanan nga natabo kon diin gid nahamtang ang lugar- ang mga eskolar nag binahin-bahin... indi na lang naton pag paligban..
- **5TH - NGA-A GIN SULAT INI NGA LIBRO...**
 - o 6 Chapters/ 149 Verses- Ang Libro sang Galacia.
 - o Ang tanan nga sinulat ni Pablo ginsulat sa pag patuhoy sang problema sang simbahan
 - Ang ginsulat sa simbahan sang Galacia wala pinilian.
 - Ang ila problema ang mga di-matuod nga manunudlo ginatawag ini sila nga Judaismo nga nag kadto sa simbahan.
 - Si Pablo gin surat niya ini nga libro para mahamtang kag mahilway 'sa legalismo.
 - Tatlo ka Problema ang gina patuhoy sa ginsulat ni Pablo
 - 1 - Ang iya awtoridad - kay ang mga Judaismo gina pang duha-duhaan nila si Pablo.
 - 2 -Ang Bugay nga makaluwas.
 - o Ang Judaismo nag dugang nga ang kaluwasan kinanglan may maayo nga buhat..
 - o Ini nga mga tawo nagapati kay Jesu-Cristo gapati man sila sa iya nabuhat sa krus.
 - o Pero gin dugangan nila sang maayong buhat para nga maluwas.
 - 3 - Ang Bugay sa pag tubo. Pagkahamtong sa kay Jesu-Cristo..
 - o Gindugangan nila sang maayong buhat ang pag tubo mo bilang isa ka Kristohanon - ukon ang pagkahamtong paagi sa kaugalingon nga pag tinguha nga mangin maayo.
 - o Indi lang dapat mag pati kundi mag himo sang maayo nga buhat..
 - o Gina tudlo pa gid nila nga tapos mo nga maluwas kinanglan mo gihapon ang mag himo sang maayong buhat...
 - o Kag ang pamaagi nga mag tubo ka sa imo pagtuo - mag padayon ka sa pag tuman sang kasuguan..
 - o Nag butang sila sang lulan sang 'legalismo'sa mga tawo nga naluwas na...
 - o **Kadamo sang mga Kristohanon nga naulipon pa sa legalismo...**
 - o **Ginapaminsar nila nga ginahimo nila nga maayo para sa Dios- magatubo sila nga mahamtong sa Ginoo...**
 - o **Paagi sa Pag basa permi sang Biblia/ kadto sa simbahan/ mag ampo sa Dios kag maghatag sa pigado kag damo hatag nga kwarta para sa simbahan.**
 - o **Mas madamo hatag, ang Dios mabaton sa ila, magpakamaayo sa ila kag Palanggaon sila sang Dios!**
 - o **Pero ang Bugay sang Dios amo ang makaluwas kag makapahamtong sang aton pagtuo, kag sa imo panglakaton bilang isa ka anak sang Diyos....**
 - o Kaundan - Tinguhaan naton nga matapos 1/2 ka chapter kada semana.
 - Chapter 1-2 - Si Pablo personal nga ga tuhoy sang Bugay kag maayong Balita.
 - Chapter 3-4 - Si Pablo naga patuhoy sang Doktrina sang Bugay base sa kasuguan ni Moises...
 - Chapter 5-6 - Si Pablo Praktikal nga ga tuhoy sa Bugay sa pang adlaw-adlaw nga pagkabuhi nga tumolo-o ni Cristo.
 - o Ang Tema sini nga Libro...
 - Ini nga Libro nahanungod sa Balita sang Bugay. Amo ini ang Tema sang kabilogan nga Libro.
 - Ang tinaga nga Bugay buot silingon regalo- ukon wala naton gina ganar.

- Ang ideya nga indi naton matumbasan nga bayaran, indi man naton maganar- kag indi ta takos nga mabaton....
 - Ang Bugay libre para sa aton- Pero nagbili ini sang tanan kay Jesu-Cristo- ginbayaran ini sang hamili nga dugo ni Jesu-Cristo...
 - Kon nag lakat ka kag nag bakal TV nga naga bili sang P100- ano klase nga TV kon amo ni iya balor...
 - Kon nag lakat ka kag nag bakal sang TV nga naga bili sang P100,000- ano klase nga TV kon amo ni iya balor...
 - Kon ano ka mahal sang imo pagbakal amo man na ka malahalon mo nga tipigan..
 - Ang Dios ka daku gid sang iya nga pag higugma sa imo kag sa akon nga gin wala-bali niya bisan ang iya kabuhi- iya hilway nga ihatag..
 - **Roma 8:32** - “ Wala niya ginlikaw ang iya Anak, kundi ginhalad niya para sa aton tanan. Kon ginhatag niya ang iya Anak, ihatag man niya sa aton ang tanan nga butang
- o Key Verse:
- **Galacia 3:3, 5:1** - “Matuod gid nga kulang ang inyo pag-intiendi. Kay sang pagsugod ninyo sang inyo pagtuo kay Cristo nagsalig kamo sa bulig sang Espiritu Santo, pero subong nagahunahuna kamo nga malambot ninyo ang inyo lalambuton bilang Kristohanon paagi sa inyo kaugalingon nga pagpaninguha.” ” Ginhilway kita ni Cristo agod indi na kita pag-ulipunon sang Kasuguan ni Moises. Gani magpakalig-on kita sa aton pagtuo kag indi na kita magpaulipon pa liwat.”
 - Ang aton Kaluwasan - ang aton pag tubo kay Hesus -wala naga base sa maayong buhat...
 - Wala gid kita sang kaangtanan sini - ini tanan halin sa Diyos kag kon ano ang iya gin himo para sa aton!

ANG MAAYONG BALITA SANG BUGAY... VS. 1-10 (4 KA BUTANG)

- **1ST - SI PABLO ANG EHEMPLO SANG BUGAY... VS. 1-2**
 - o Ang tinaga nga ‘ Apostol’ naga kahulugan nga ginpadala sa pagpangwali sang maayong balita..
 - Naga laragway sang pag ka embahador - Tiglawas sang Diyos sa Kalibutan...
 - Pinadala sa pag lapnag sang Maayong Balita - Ang Paglaum sang kaluwasan paagi kay Jesu-Cristo...
 - Ginatawag naton sila nga mga Misyonero - ang mga pinadala para mag sugid sang nahanungod kay Jesus..
 - Indi lang pinadala sa iban nga pungsod [ang mga apostol naga lab-ot man sila sa kaugalinon nila nga lugar].
 - Pat-od gid nga si Pablo pinadala sa Simbahan sa Antioch- **Binuhatan 13:1-5**
 - Ang mga gin tinawag nga mga Apostol asta subong naga padayon sa gihapon -**Efeso 4:11...**
 - Ang Diyos ginpadala niya kita agud sa pagbalita sa iban - sa aton Pamilya/ abyan naton sa trabaho/sa Eskwelahan nahanungod kay Jesus
 - o Si Pablo wala gin tangdo sang tawo- si Jesus mismo ang nag Pili kay Pablo- **Binuhatan 9...**
 - Si Jesus ang nag sugata kay Pablo sa dalan pakadto sa Damascus- pakadto siya sa Damasco para ipa priso kag patyon ang mga tumoluo...
 - Gin pili ni Jesus nga mangin Apostol sa mga Gentil- **1Timoteo 1:11**

- *** I Timoteo 1:16** - “Pero ginkaluoyan ako agod mapakita ni Cristo Jesus ang iya pagkamabinatason sa tanan, bisan sa pinakamakasasala. Ang ginhimo ni Cristo sa akon nagaserbi nga halimbawa sa iban nga magatuo sa iya kag magabaton sang kabuhi nga wala sing katapusan.”
- Gin pili para mangin ehemplo sang Gahom kag sang Bugay sang Diyos...
- Si Pablo ang gin gamit sang Diyos nga mangin Ehemplo kon paano naga pang hikot ang Bugay!
- Kon ang Diyos nag pili sa pag luwas sang makasasala pareho kalaot kay Pablo - naga pamatay sang mga Cristohanon..
- Wala sang bisan sin-o nga indi malab-ot sang Bugay sang Dios - Ang Dios makasarang mag luwas/kag mag gamit kon sin-o man!
- **2ND - ANG MENSAHE SANG MAAYONG BALITA - BUGAY KAG PAGHIDAET... VS. 3-5**
 - o Ang Bugay sang Dios...
 - Ang Pag-hukom ma-agum tungod naga kabagay lang nga mabaton - ang Kaluoy ang indi makabaton sang silot nga dapat tani batonon
 - Pero Ang Bugay nabaton nga kaayuhan nga indi man takus nga mabaton - kung baga Libre nga regalo halin sa Dios..
 - Na ganar naton kag takus kita nga mag kadto sa impierno tungod sang aton sala kag pag rebelde.. dapat kita mahukman...
 - Sa baylo gin Hatag sang Diyos ang tuman ka daku nga regalo sang pag pakamatarung kag ang Langit - paagi kay Jesus!
 - o Paghidait sa Dios...
 - Sang wala pa ta maluwas - naga kabuhi kita nga pat-od gid ang kaakig kag pag hukom sang Diyos...
 - Wala sang kalinong sa Kabuhi- kundi ang kahadlok sa kamatayon kag silot...
 - Kon may Bugay kita sang Diyos - may libre nga regalo sang kaluwasan-kag may Paghidaet kita sa Diyos!
 - Wala sang matu-od nga kalinong - kag pag pahuway sa ihibalo nga kita napatawad - kon wala pa ang Bugay...
 - o Gin hatag niya ang iya kaugalingon - sa pag luwas sa aton sa sini nga kagubot sang kalibutan...
 - Ang Mensahe sang Bugay - nga naga base sa sakripisyo ni Jesu-Cristo...
 - Kon wala ang krus - wala kita sang Pag-laum sang kaluwasan- kag sang Langit..
 - Kita dapat ang mag bayad sang presyo sang aton sala - pero ang Diyos nag bayad para sa aton!
 - Ang Mensahe sang Bugay - Pag tubos sa malaut nga kalibutan
 - Duha lang ka butang - Bata kita sang Diyos - ukon bata kita sang Kalibutan..[satanas]
 - Kon kita natawo liwat - kita luwas - kag luwas man kita sa kalautan sining kalibutan!
 - Indi na kita katapo sang kalibutan- nag bag-o na ang aton banwahanon nga puluyan!
 - Ang Mensahe sang Bugay - suno sa kabubut-on sang Amay...
 - Sa malip-ot nga pulong - ang Diyos wala nag pili sa aton tungod kita maayo..
 - Wala ta na ganar ang iya pabor - pero nabaton naton ang regalo sang kaluwasan...
 - Ang Diyos nagpili sa aton bangod lamang sang iya nga pag higugma sa imo kag sa akon - kag iya kabubut-on!

● **3RD - PAGSIKWAY SA PULONG SANG BUGAY ... VS. 6-7**

- o Si Pablo nakibot gid kon daw ano ka dasig mag talikod ang simbahan sa pulong ukon sa maayong balita..
 - Gin sikway nila ang maayong Balita sang Diyos - nag baton sang balita sang maayong buhat..
 - Nag dumdom sila nga pareho lang ang Maayong Balita -nag huna huna sila nga ga sunod sila sa Biblia...
 - May ara lang gid nga tu-od nga maayong Balita - Ang Balita nga iya ni Jesu-Cristo
 - **Ang Kaluwasan paagi sa Bugay lamang - sa Pagtuo lamang - kag kay Jesus lamang!**
 - **Wala na sang madugang pa sa Ginhimo ni Jesus - gin himo niya ini sa krus!**
- o Ang maayong balita nga gin hakos amo ang legalismo..
 - Ang Judaismo naga tudlo sang indi amo nga maayong balita..
 - **Binuhatan 15:1** - “ May mga tawo halin sa Judea nga nagkadto sa Antioc kag nagtudlo sa mga tumuluo didto nga sila nga mga indi Judio indi maluwas kon indi sila magpatuli suno sa kinabatasan nga gintudlo ni Moises.”
 - Gin tudluan nila ang mga Gentil nga mangin Judio para makakadto sa Langit!
 - Kinahanglan nga mag sunod sa laye nga may 613 nga kasuguan
 - **Agud nga pakamaayuhon kadto sa simbahan/basahon ang Biblia kag maghatag...**
 - **Pag sulundan damo nga tulun-an para lang nga mabaton sang Dios**
 - **Indi Maayong balita - isa ka kabug-atan nga gina dala ang Lulan,...**
- o Ang maayong balita sang Judaismo naga dala sang kamatayon..
 - Kahapos mag paminsar sang laye nga maka palayo sa gamo. Kag maghimo sa aton nga matarong
 - Daw isa ka Kudal- nga naga palayo sa aton sa katalagman, Pagsulay kag malain sa kalibutan..
 - **Daw isa ini ka maayo nga ideya- kag kadamu-an [nga kasimbahanan] gina ilug man sang kalabanan.**
 - **Pero ari ang delikado- ma pungan lang ang imo obrahon sa pang guha- pero indi maka pabag-o sang tagiposoan...**
 - **Colossians 2:21-23** - “Indi ka mag-uyat sini,” “Indi ka magtilaw sina,” ukon “Indi ka magtandog sina”? Ina nga mga pagsulundan nga ginatudlo sang mga tawo himo-himo lang nila kag parte lang sa mga butang nga madula man lang matapos nga kaunon. Kon hunahunaon ta, daw husto man ang ila mga pagtudlo parte sa pagsimba nga ila naluyagan, parte sa pagpaubos kag pagpenitensya sa lawas. Pero ang matuod, ina nga mga butang indi gid makabulig sa aton sa pagpugong sang lawasnon nga mga kailigbon.”
 - **Sa katapusan ini nga mga gatu-o nga ang laye maka pabakod sa ila sa Ginoo.**
 - **Pero ang reyalidad ini naga pahuyang sa aton- wala na naga tulok sa kay Jesus..**
 - **Tungod nga ga pati na lang sa kasuguan- kaysa mag tulok kag mag sandig sa Ginoo..**
 - **Ang maayong balita sang legalismo naga palayo sa Ginoo - naga salig kita sa aton kaugalingon nga pag panikasog...**

- Ang maayong Balita sang Bugay - naga palapit kita sa Ginoo- kag naga resulta nga mangin kaangngay kita kay Cristo
- **4TH - TALIKDI ANG IBAN NGA MAAYONG BALITA... VS. 8-10**
 - o Si Pablo naga mando sa mga kasimbahanan nga e sikway ang iban nga ebanghelyo..
 - o Bisan Angel pa nga halin sa langit- ini sila mga sinumpa - kag naseparar sa Diyos asta sa eternidad..
 - o Ang mga Mormons naga pati kay angel Moroni- kon diin ginkuha ang ngalan sang ila simbahan - isa ni sila sa may bag-o nga ebanghelyo..
 - o Ginasumpa ni sila tungod naga tudlo sang indi amo nga Maayong Balita.- sumulunod sang Maayong Balita nga indi man maka luwas sang kasalanan!
 - o Ang Paandam masyado gid ka klaro- Madamo sang Maayong Balita nga naga lapta sa palibot naton..
 - o Kag pareho sang taga Galacia ka dasig lang gid mag talikod kag magpalayo..
 - o Kag malipatan nga ang maayong balita ni Jesus amo lang gid ang Bugay - ang aton Personal nga relasyon sa Diyos..
 - o Kag mag salig sa aton mga pag-obra - gina paminsar nga basi pa lang mangin tadlong kita sa atubang sang Diyos!
 - o Bisan may Biblia ka-naga kadto ka sa simbahan- ini nga butang indi maka himo sa aton nga Kristyano...
 - o Paagi sa Bugay sang Diyos kon nga-a na luwas kita- kag sa pag hatag naton sang aton tion kay Jesus...
 - o Natural nga maga tubo kita kag mangin maayo nga Kristiyano.. - mag patubo kita sa iya nga Bugay...